

ԱՓՅՈՒՌՔԱՀԱՅՈՒԹՅՈՒՆԸ
ՀԱՅՐԵՆԱԿԱՆ ՊԱՏԵՐԱԶՄԻ ՏԱՐԻՆԵՐԻՆ

Ե. Մ. ԽԱԼԵՅԱՆ

1941—1945 թթ. Հայրենական մեծ պատերազմի տարիներին, երբ վերստին էր սեր հայրենիքի բախտը, Սովետական Միության բոլոր ժողովուրդներին հետ միասին ֆաշիստական զավթիչների դեմ մղված ազատագրական պատերազմում իր տեղը գրավեց նաև հայ ժողովուրդը։ Ֆաշիզմի դեմ մղված պայքարում անմաս չմնաց նաև սփյուռֆահայությունը։ Սփյուռֆահայ հայրենասերները, առաջին հերթին կոմունիստները, Արևմտյան եվրոպայի կոմունիստական կազմակերպությունների ղեկավարությամբ, հիտլերյան ֆաշիզմի դեմ ակտիվ պայքարի մեջ էին րեզոլվել 1939 թ. սկսված երկրորդ համաշխարհային պատերազմի սկզբից։ Այդ պայքարը սփյուռֆահայության շրջանում լայն ծավալ ստացավ հատկապես Սովետական Միության վրա ֆաշիստական Գերմանիայի ուխտադրուժ հարձակումից հետո։

Հայրենական մեծ պատերազմի սկզբին, 1941 թ. օգոստոսին Սովետական Հայաստանի մտավորականության ներկայացուցիչները սփյուռֆահայությանը դիմեցին «Արտասահմանյան երկրներում ապրող բոլոր հայերին» հատուկ կոչով, որի մեջ ասված էր. «Թանկագին բարեկամներ, այս պահին, երբ մեր երկրի և ամբողջ մարդկության վրա կախվել է ահեղ վտանգ, մենք դիմում ենք համայն աշխարհի հայերին, մենք՝ դիմում ենք բոլոր նրանց, որոնց համար քանկ է հազարամյակների կուլտուրական ժառանգությունը, ում համար սուրբ են ազատության և մարդկության վսեմ գաղափարները, բոլոր նրանց, ովքեր սիրում են իրենց իսկական հայրենիքը...։ Կոչ ենք անում համախմբել ձեր բոլոր ուժերը հանուն Սովետական Միության պաշտպանության, հանուն ամբողջ մարդկության խաղախ ու վտանգավոր բռնամուժ ֆաշիզմի «չնշացման»¹։

Կոչը լայն արձագանք գտավ արտասահմանի հայկական գաղթաբնակներում։ Նյու-Յորքում այդ առիթով հավաքված ամերիկահայերի միտինգի անունից ԱՄՆ-ում սովետական ղեկավարությունը ուղարկված հեռագրում րեզոլվել է. «մենք՝ ամերիկահայերս, որոնց հայրենի երկիրը պաշտպանում է կամրջի բանակը, զգում ենք, որ պարտավոր ենք օգնելու Սովետական Միությանը նրա մղած պայքարում, մինչև որ ֆաշիզմը ոչնչանա ամբողջ աշխարհում»²։

Պատերազմական լարված իրադրության պայմաններում սփյուռֆահայության մեջ կատարվեց հասարակական ուժերի լուրջ վերախմբավորում։ Դադարադադարի հիմնական զանգվածները համախմբվեցին հակաֆաշիստական-հայրենասիրական նակատում։

¹ Տե՛ս «Սովետական զրականություն», 1941, № 8։

² «Правда», 25 августа 1941.

Պատերազմի ընթացքում արտասահմանում ապրող հայերի, նրանց անվանի հասարակական գործիչների, եղբայրական կոմունիստական կուսակցությունների հայկական սեկցիաների, ինչպես նաև Ս. Գ. հեշակյանների ու ռամկավարների ակտիվ ջանքերով ստեղծվեցին ղեմկրատական առաջադիմական կազմակերպություններ, որոնք կանգնեցին հայրենիքի պաշտպանության դիրքերում: Այդպիսի կազմակերպություններից էին Սիրիայում «Սովետական Հայաստանի բարեկամների ընկերությունը», որին միացավ նաև մինչ այդ գոյություն ունեցող «Հայաստանի օգնության լիգան», Պաղեստինում՝ «Սովետական Հայաստանի պաշտպան լիգան», ԱՄՆ-ում՝ «Ամերիկայի հայերի ազգային խորհուրդը», որը մեծ ազդեցություն ունեւ Նյու-Յորքի, Բոստոնի, Չիկագոյի, Դետրոյտի, Ֆիլադելֆիայի, Հարավային Ամերիկայի մի շարք երկրների հայկական շրջանների վրա: Թավրիզում ստեղծվեց «ՍՍՀՄ բարեկամների միությունը», Կիպրոսի Նիկոզիա քաղաքում՝ «Հայաստանի բարեկամների միությունը», Ֆրանսիայում՝ «Հայերի ազգային նախաձեռնությունը»: Ավելի ուշ հայ ազգային նախաձեռնող կազմակերպություններ ստեղծվեցին նաև Ռումինիայում, Բուլղարիայում, Հունաստանում և այլուր: Վերոհիշյալ կազմակերպությունների շուրջը համախմբվեցին հայրենակցական, բարեգործական, երիտասարդական, մարզական միությունները, եկեղեցական կազմակերպությունները, որոնք իրենց տրամադրության տակ ունեին մամուլի օրգաններ, ակումբներ և այլն:

Սփյուռքահայ հայրենասերները Սովետական Միության հաղթանակի մեջ էին տեսնում վերածնված հայ ժողովրդի, Սովետական Հայաստանի հարատևման երաշխիք, տարագիր հայության ապագան: Մեկնաբանելով սփյուռքի առաջադիմական ուժերի հայրենասիրական շարժումը, «Պրավդան» 1941 թ. օգոստոսի 25-ի խմբագրականում նշում էր, որ ֆաշիստական Գերմանիայի «Սովետական Միության վրա ավազակային, ուխտադրուժ հարձակում գործելու յուրե ստիպեց զգալուն ու արքուն կենալ հայ ժողովրդի նաև այն զավակներին, որոնք ապրում են ՍՍՀՄ-ի սահմաններից դուրս: Նրանց ամբողջ սերը, նրանց ամբողջ համակրանքը Սովետական Միության կողմն է»³:

1943 թ. փետրվարին սովետական զորքերի մեծ հաղթանակը Ստալինգրադի նախադարձում, որը շրջադարձային փուլ հանդիսացավ Երկրորդ համաշխարհային պատերազմի ընթացքի մեջ, հակահիտլերյան ուժերի նոր տեղաշարժեր առաջ բերեց: Սփյուռքահայ առաջադիմական կազմակերպությունները, հանդես գալով «Հայրենիքի հետ, նրա քննամիտների դեմ» լուրջագույն, սկսեցին սերտորեն համագործակցել իրենց հյուրընկալած ժողովրդի ազգային-ազատագրական պայքարին՝ ընդդեմ ֆաշիզմի:

Դաշնակցության պարագլուխները ամեն միջոցով ձգտում էին իրենց ձեռքը վերցնել սփյուռքահայության ղեկավարությունը, որպեսզի նրան կրտսերին հայրենանպաստ գործունեությունից, պառակտելն առաջադիմական ուժերը, քույսցնելն ժողովուրդների հակաֆաշիստական պայքարը: Բայց նրանց այդ շնաջողվեց, ավելին, շարժախնդրող դաշնակների մի զգալի մասը հեռացավ այդ կուսակցությունից՝ տեսնելով, որ նրա ղեկավարները վաճառվել են ֆաշիստական վանդալներին: Մեծ բանաստեղծ Ավետիս Իսահակյանը 1943 թ.

3 Նույն տեղում:

հունվարին հանդես եկավ ազդիոյով ու մամուլի էջերում և մերկացրեց դաշնակցության պարագլուխներին, կոչ անելով սփյուռքի հայությանը՝ հայ ժողովրդի համար այդ տագնապալի օրերին համախմբվել հայրենիքի պաշտպանության սրբազան դրոշի ներքո. «Թող ամեն մարդ իմանա, — ասում էր նա, — որ կան գողտնի ընդամեններ, որոնք սպասում են Սովետական Միության պարտությանը, որպեսզի հայ ազգը մի անգամ ընդմիջտ ջնջեն Երկրի Երեսից: ... Թող ամեն մարդ իմանա, որ Հիտլերի անկումը անխուսափելի է և որոշ. Այս հավատով և համոզմունքով է, որ մեր ժողովուրդը կկռվի հզոր կարմիր բանակի դրոշի տակ, ներշնչված մեր արդար դատով...»⁴:

1943—1944 թթ. ընթացքում սփյուռքի հայրենանվեր կարևոր ձեռնարկումներից մեկը եղավ «Սասունցի Դավիթ» տանկային շարասյան կառուցման համար միջոցների հանգանակությունը: Կազմակերպվեցին միջոցներ հանգանակող կոմիտեներ ու հանձնախմբեր: Լիրանահում լույս տեսնող հայկական քերթերից մեկը այդ առթիվ գրեց. «... Մայր հայրենիք կոչ կրեն իր բոլոր զավակներուն՝ հավաքելու համար իր բառոյական դրոշի տակ, հավաքական ճիգով պաշտպանելու համար մեր հավաքական հայրենիք՝ Խորհրդային Հայաստանը... Դասալիությունը հայկական առաքինությունն էր չէ ու չի կրնար բլլալ: Ապացույցը... հայ մարտիկներու ներկայությունն է կրակի առաջին գիծերուն վրա. Ապացույցը՝ մեր հայրենիքի միահամուռ հիգն է, գիշեր ու ցերեկ ծրագրող անոր գործարաններն ու գերազանցությամբ պարզեատրված մեր քիկունքի աշխատավորներն են... Ուրեմն Երբ այսօր մեզ կանչողը Հայաստանն է... նորեն տանք, մեր առավելագույնը տանք մեր հայրենիքին»⁵:

Ոչ լրիվ տվյալներով մինչև 1944 թ. մարտ ամիսը ԱՄՆ-ի հայերը «Սասունցի Դավիթ» շարասյան ֆոնդին մուծել էին 115 հազար դոլլար (բացի այդ նրանք կարմիր բանակի ֆոնդին էին մուծել նաև 173 հազար դոլլար): Իրանից ստացվել էր 2367450 ուրալ, Կիպրոսից՝ 3100, Հոլանդիայից՝ 200 հազար անգլիական ֆունտ ստեռլինգ, Սիրիայից՝ 275831, Լիրանահից՝ 120 հազար անգլիական ոսկի, Իրաֆից՝ 1500 հազար դինար, Եթովպիայից՝ 1300 անգլիական ոսկի, Նիգերիայից՝ 14248 անգլիական ֆունտ ստեռլինգ և այլն⁶:

Ամերիկահայ ազգային խորհուրդը (որի ղեկավարներից էին Պ. Թերզյանը, Մ. Մարտենցը, Օ. Սարյանը, Պ. Սելյանը և ուրիշներ) ամեն տարի հանդիսավորությամբ տոնում էր Սովետական Հայաստանի տարեդարձը, կազմակերպում նվիրատվություններ: Այդ հասույթներով նրանք Հայաստան ուղարկեցին ղեկորային, տափ հագուստեղեն, ՍՍՀՄ ազատագրված շրջանների համար 25 հազար ծանրոց՝ 75 հազար դոլլարի արժույթությամբ: Նրանք հաջողությամբ իրականացրեցին Հայաստանի համար մեկ նավ հագուստեղենի հավաքման գործը և այլն: Ազգային խորհրդի վարչության կոչով ամերիկահայությունը ակտիվորեն մասնակցեց նաև ԱՄՆ-ի բանակին և Կարմիր խաչին նյութական օժանդակություն ցույց տալու ձեռնարկումներին:

Սգտակար շատ միջոցառումներ իրականացվեցին Արգենտինայի, Ուրուգվայի, Մեքսիկայի ու Միջին Արևելքի հայկական գաղթաբնակներում: Ակտիվ գործունեություն ծավալվեց տեղի հայ և օտար բնակչությանը Սովետական

⁴ Ա. Վ. Իսախանյան, *Արկածախնդիրները, Նյու-Յորք, 1943, էջ 12*:

⁵ Տե՛ս «Սովետական Հայաստան», 17 դեկտեմբերի, 1944:

⁶ Տե՛ս «Էջմիածին», 1944, № 2—3 և «Սովետական Հայաստան», 1945, № 213 և 250:

Միության, Սովետական Հայաստանի կյանքին ծանոթացնելու, կարմիր բանակի հաղթանակները պրոպագանդելու ուղղությամբ: Սիրիայում, Լիբանոնում, Եգիպտոսում լայն աշխատանք ծավալեցին ականավոր գործիչներ Մ. Մաղեյանը, «Արև» քերթի խմբագիր Վ. Թեֆեյանը և ուրիշներ: Թեհրանի և Թավրիզի Սովետական Հայաստանի բարեկամների քննկերությունների, իրանահայ Ազգային խորհրդի ղեկավարների ջանքերով, առաջադիմական բերքերի աշակցությամբ պայքար կազմակերպվեց ֆաշիզմի և դաշնակցության պրոպագանդայի դեմ, կազմակերպչական մեծ աշխատանք տարվեց կարմիր բանակին և Սովետական Միությանը նյութական ու բարոյական օգնություն ցույց տալու համար, ՍՍՀՄ ուղարկվեց տաֆ հագուստեղեն, չոր մրգեր, հանգսնակություն կատարվեց զենեռայ Բաղրամյանի անվան տանկային շարասյուն կառուցելու համար և այլն:

Արտասահմանի հայ աշխատավորությունը ֆաշիզմի դեմ պայքար մղեց նաև զինվորագրվելով դաշնակիցների բանակներում: Տասնյակ հազար երիտասարդներ մտան ԱՄՆ-ի, Անգլիայի, զրգույան Ֆրանսիայի բանակներ, ֆաշիստական գործերի դեմ կռիվներում հանդես բերելով խիզախության բազմաթիվ օրինակներ: Նրանցից շատերը պարգևատրվեցին շքանշաններով ու մեդալներով: Միայն ամերիկյան բանակում քչնամու դեմ մարտնչում էին 18500 հայեր, այդ թվում՝ օդաչուներ, տանկիստներ, ծովայիններ և հետևազորայիններ, շարժային մարտիկներից մինչև բարձրաստիճան սպաներ: Մեծ թվով հայ զինվորներ ու սպաներ գորակոչվել էին Եգիպտոսից, Սիրիայից, Լիբանանից և այլ երկրներից:

Բազմաթիվ հայ մարտիկներ ընդգրկվեցին նաև պարտիզանական դիմադրական պայքարի մեջ, որը լայն ծավալ ստացավ Արևմտյան Եվրոպայում Բատկապես կարմիր բանակի հաղթական առաջընթացի ժամանակաշրջանում: Դիմադրության պայքարի խոշոր քառերարեմ դարձավ Ֆրանսիան, որի ժառանգորդը բանվոր դասակարգի, կոմունիստական կուսակցության ղեկավարությամբ պայքարի դուրս եկավ ֆաշիստական զավթիչների և վիշիական դավաճանների դեմ: Ֆրանսիական ժողովրդի այդ պայքարին մասնակցում էին նաև Ֆրանսիայում ապրող ազգային փոխամասնությունները՝ իտալացիները, իսպանացիները, հրեաները, հայերը և ուրիշներ:

Ֆրանսահայ հայրենասերների պայքարը ղեկավարում էր Հայ ազգային հսկատը, որի ղեկավարությամբ կազմակերպվեցին պարտիզանական ջոկատներ, ընդհատակյա խմբեր, լույս քնծայվեցին հակաֆաշիստական անլեզալ հայերեն քերքեր ու քոռոցիկներ: Դիմադրության շարժման հայ մարտիկները հակաֆաշիստական պայքարում մարտնչեցին հանուն Ֆրանսիայի ազատագրման:

Հայ ազգային հսկատը ստեղծվել էր դեռևս 1941 թ. ֆրանսիական ազգային հսկատի հետ միասին ընդհատակում, նրա առաջին խմբակները կազմակերպվել էին Մարսելում, Փարիզում, Լիոնում, Գրենոբլում և այլուր: Այդ խմբակները «ազատագրության համար մղվող պայքարը կնույնացնեն մեր հայրենիքի պաշտպանության պայքարին հետ»⁷, — գրել է հայ ազգային հսկատի օրգան «Ժողովուրդ» քերքը:

⁷ Տե՛ս «Ժողովուրդ» (Փարիզ), 14 մարտի, 1945:

Ֆրանսահայ ազգային հակառի դեկավար գործիչներից են եղել Միսակ Մանուշյանը, Դավիթ Դավթյանը, Շահե Տատուրյանը, Արփիար և Լուիզա Ասլանյանները, Սիրադ Բաղդասարյանը, Մելիոն Գեղունին, Հաբուրյուն Սարտիկյանը, Իսպանիայի 1937—1938 թթ. ազատագրության պայքարի մասնակից Ազատ (Վահե) Աղամյանը և ուրիշներ:

Ֆրանսիայի Դիմադրական շարժման դյուցազնական պայքարում առանձին տեղ է զբաղում ֆրանսահայ կոմունիստ, բանաստեղծ Միսակ Մանուշյանը: Նա Փարիզի ինտերնացիոնալ պարտիզանական ջոկատի հրամանատարն էր: Հոկատում ֆրանսիացի զինակիցների հետ քշնամու՝ դեմ կոմիւն էին հայեր՝ Արթուր Դավթյանը, Ալեքսանդր Կոստանդինյանը, Տիրան Ոսկերչյանը, Անրի Կարայանը, Արսեն Չաֆրյանը, իսպանացի Սելեստինո Ալֆոնսոն, հրեաներ Իոսիֆ Բոֆսովը, Մարսել Ռեյմանը, Օլգա Բանչիկը, ավստրիացի Գուտադ Կուրցը, հունգարացի Էմիլ Գլասը, ռումինացի Իոսիֆ Կլիշը, իտալացիներ Սպարտակո Ֆոնտանոն, Ամադեո Ուսելլոն, լեհ Ստանիսլավ Կուրացկին, արբելչանցի Ալեքսանդր Արասովը և շատ ուրիշներ:

Մանուշյանի հրամանատարությամբ մարտնչող ջոկատի և նրա խմբերի գործողությունները Փարիզում և նրա շրջակայքում սարսափի մեջ էին պահում հիտլերյան օկուպացիոն իշխանություններին: Պաշտոնական տվյալներով պարտիզանները 62 անգամ հարձակումներ են կատարել հիտլերականների կայազորների վրա, պայքեցրել են 31 ռազմական արհեստանոց և ավտոմեքենաների պարկ, դաբանամուտ նոնակային հարվածներ են հասցրել ռազմական բեռներ և էսէսական զորքեր փոխադրող 36 ավտոմեքենաների և զրահատրանսպորտայինների, խորտակել են երկաթուղային 31 գնացի, 2 անգամ հարձակվել են օդանավակայանների վրա, 24 անգամ նոնակներ են նետել զորանոցների և սպայական կացարանների ներսը: Այս օպերացիաների ընթացքում ոչնչացվել են մեծ քանակությամբ տեխնիկա և կենդանի ուժ, ուղանվել են բաժնատիրական սպաներ, որոնց մեջ նաև ֆրանսիական ժողովրդի դահիճներ, մեծ Փարիզի զինվորական պարետ, գեներալ ֆոն Շաուսբուրգը և «ՍՍ» զորքերի գեներալ-լեյտենանտ Ֆուլիոս ֆոն Ռիտտերը⁸:

1943 թ. նոյեմբերի 16-ին դավանանքի մատուցությամբ գետապոն ձերբակալում է Մանուշյանին և նրա ջոկատի 22 անդամների ու նետում Փարիզի Ֆրենի բանտը: Հոկատի անդամների մի մասին հաջողվում է խուսափել բանտարկությունից, Դիմադրության շարժման հրամանատարությունը նրանց տեղափոխում է տարբեր ղեկավարամեծներ, որտեղ նրանք նորից շարունակում են գործել մինչև Ֆրանսիայի ազատագրումը:

Գետապոն 3 ամիս անմարդկային խոշտանգումների է ենթարկում Մանուշյանին և մյուսներին: 1944 թ. փետրվարի 21-ին նրանց բոլորին զնդակահարում են Փարիզի մոտ գտնվող Մոն-Վալերիենում: Հիտլերյան ռազմական տալանը «23»-ի դատավարության փաստաթղթերում Մանուշյանի անձնական հաշվում արձանագրել է 56 հարձակում, 150 սպանված, 600 վիրավոր⁹:

Մանուշյանը մարտնչող կոմունիստ էր: Որդիական սիրով նա կապված էր Սովետական Հայաստանի հետ և կյանքի վերջին ժամերին անգամ նրա մասին էր մտածում: Գնդակահարվելուց առաջ, 1944 թ. փետրվարի 21-ին իր

⁸ Տե՛ս «Աշխարհ» (Փարիզ), 3 փետրվարի 1968:

⁹ Նույն տեղում:

բարեկամներից մեկին ուղարկած համակում հա զրել է. «... Շուտով, այս կեսօրից հետո ժամը 15-ին կգնդակահարվենք... Ես մտել էի ազատության բանակը որպես կամավոր զինվոր և մեռնում եմ երկու ֆալ հետո հաղթանակից. երջանկություն նրանց, ովքեր պիտի ապրեն մեղանից հետո և պիտի վաճելեն վաղվա ազատության և խաղաղության ֆաղցրությունը... Եթե հնարավոր է, իմ հիշատակներս տառ Հայաստան: Պլզեն փողոցի մեր տան նամպուկում ունեմ 15 հազար ֆրանկ, եթե կարող ես վերցնել, վերադառնալ իմ պարտերը և մնացածը նվիրի Հայաստանին...»¹⁰:

Ֆրանսիայի կոմունիստական կուսակցությունը, բանվոր դասակարգը և ժողովուրդը րստ արժանվույն զնահատեցին Դիմադրության պայքարի հերոսներին, ինչպես նաև Մանուշյանի ու նրա խմբի սխրագործությունները: 1944 թ. ֆրանսիական կառավարությունը Մանուշյանին հետմահու պարգևատրեց Պատվո լեգեոնի շքանշանով, հայտարարեց Ֆրանսիայի ազգային հերոս: Արևովիլ-լե-Գոնես ֆաղափ փողոցներից մեկը վերանվանվեց Մանուշյանի անունով: 1955 թ. «Մանուշյանի խումբ» անունով կոչվեց Փարիզի 20-րդ շրջանի փողոցներից մեկը: «Հալ ժողովուրդը իրավունք ունի պարծենալու Մանուշյանի խմբի հերոսներով,— ասել է Ֆրանսիայի կոմկուսի ֆարտուղար Ժակ Դյուվլոն,— որոնք շարունակելով նույն պայքարը, որ սովետական պանծալի բանակն ու ժողովուրդը մղում էին ֆաշիզմի դեմ, իրենց կյանքը տվեցին հաղթանակի ժողովրդի ազատության: ... Մանուշյանի և նրա մարտական ընկերները հիշատակը ապրում է և կապրի Ֆրանսիայի բանվոր դասակարգի սրտում. նրանց պանծալի սխրագործությունը չի մոռացվի, և մենք մեծ գրող Վիկտոր Հյուգոյի հետ միասին կարող ենք ասել՝ «Ձոհվածները ողջերի պես մասնակցում են մեր մարտերին»¹¹:

Մանուշյանի խմբից բացի, ֆրանսահայ ազգային նակատի ակտիվ մարտրեշողներից շատերն ընկան հերոսի մահով, զնդակահարվեցին, տաճարամահ արվեցին ֆաշիստական զնդաններում և համակենտրոնացման նամբարներում: Դրանցից են, օրինակ, Նշան Տեր-Մարտիրոսյանը, Հայկ Դպիրյանը, գրողներ Արփառ Ասլանյանը, Լուիզա Ասլանյանը (Լաս) և ուրիշներ:

1944 թ. հազարավոր ֆրանսահայեր մասնակցեցին ֆաշիստական օկուպանտների դեմ Մարսելում, Լիոնում և մյուս վայրերում բռնկված ապստամբություններին, դաշնակիցների և Դր Դուլի ֆրանսիական բանակների շարքերում հերոսաբար կռվեցին հաճուն Փարիզի և Ֆրանսիայի ազատագրման:

Կարմիր բանակի հաղթական առաջընթացը դեպի Արևմտյան եվրոպայի երկրները գոտեպնդեց ու լայն ծավալ հաղորդեց Դիմադրության շարժմանը Ռումինիայում, Բուլղարիայում, Հարավսլավիայում, Հունաստանում, Իտալիայում և այլուր: Մասսայական պայքարի մեջ ընդգրկվեցին նաև այդ երկրների հայկական գաղթօջախների աշխատավորները: Միայն հունահայ գաղութից 300 հայուհիներ զոհվեցին պարտիզանական կռիվներում և ընդհատակյա պայքարում: Այդ զոհվածների մեջ էին Հունաստանի կոմունիստական շարժման վետերան, պրոֆեսիոնալ հեղափոխական Վահրամ Սաֆայանը, եղբայրներ Անդրանիկ և Երվանդ Ղուկասյանները, ակտիվ հասարակական գոր-

¹⁰ Տե՛ս Հայկ. ՍՍՀ ԴԱ «Տեղեկագիր» (հաս. գիտ.), 1946, № 4:

¹¹ Տե՛ս Միսակ Մանուշյան, Իմ երգը, Երևան, 1956, էջ 3—5:

ձիչ Սիլվեստրո Ղալեյանը (Ղալեսար), Սարգիս Էմենջյանը, հետախույզ պարտիզան Սարգիս Բենյեյանը, Ավետիս Յափնջյանը և ուրիշներ: Կենդանի մնացած ակտիվ գործիչներից Սովետական Հայաստան ներգաղթեցին՝ Զ. Այվազյանը, Վ. Դաֆնյանը, Հ. Ղազարոսյանը և ուրիշ շատերը:

Դիմադրական շարժումը հենց սկզբից էլ ուժեղ էր Բուլղարիայում, որը պլանավորում էին Բուլղարիայի՝ բնդհատակում գործող բանվորական կուսակցությունը և հայրենական նակատը, որոնք կարմիր բանակի հետ միասին 1944 թ. սեպտեմբերի 9-ին ազատագրեցին Բուլղարիան և տապալեցին ֆաշիստական ռեժիմը: Այդ պայմարին ակտիվորեն մասնակցեց նաև բուլղարահայ գաղութը: Թանկ գնով նվաճվեց ազատությունը, հարյուրավոր հայ մարտիկներ ընկան հերոսի մահով: Ֆաշիստները վառնալու գնդակահարեցին և ձուլը նետեցին Կարապետ Խաչատրյանին, Հաբուրյուն Պողոսյանին, զազանարար սպանեցին բուլղարահայ անվանի հոսսարակական գործիչ Հակոբ Պարոնյանին և ուրիշ շատերի: Ամբողջ Բուլղարիայում քնդաց «Չավդար» պարտիզանական չոկատի Երիտասարդ պարտիզանուհի Հերմինե Ռազկրստյանի (Սաշկայի) անունը, որին դանիները 1941 թ. հունիսի 10-ին զազանարար սպանեցին: Բուլղարիայում լույս տեսնող «Նրևան» հայերեն քերթը նրա մասին գրեց. «Անմահացած Սաշկան դրոշ է հակաֆաշիստական Երիտասարդության համար»:

Դիմադրության պայմարի ակտիվ մասնակիցներ եղան շատ հայեր Բելգիայում, Հոլանդիայում, Չեխոսլովակիայում, Իտալիայում, Լեհաստանում և այլուր:

Այսպիսով, սփյուռնահայ աշխատավորությունը երկրորդ համաշխարհային պատերազմի տարիներին համախմբվելով առաջադիմական կազմակերպությունների շարքերում, նյութական և բարոյական օգնություն ցույց տվեց կարմիր բանակին, Սովետական Հայաստանին: Նրա հազարավոր զավակներ զենքի ձեռքներին կովեցին ֆաշիզմի և նրա գործակալների դեմ, գործնականում ապացուցելով, որ իրենք ամբողջովին կանգնած են սովետական հայրենիքի, սիրելի Հայաստանի պաշտպանության դիրքերում: